



साःगु भिंगु मरिचरिया निति लुमंका दिसै !

लक्ष्मण जमाल /चिलिमि  
प्रोप्राइटर

**लाखा छै**  
LAKHA CHHEN

सोन्हुटे, वडा नं. १६, येँ, फोन नं.: ४५६०७५८

# इतिहास हुइगु कुतः गलत : मन्त्री खरेल 'श्रेष्ठयात संस्थापक घोषणा याकेत कुतः याये'

लहना वाःपौ/सञ्चार तथा सूचना प्रविधि मन्त्री जगदीश खरेलं नेपाल पत्रकार महासंघया इतिहास हुइगु कुतः गलत जूगु खँ धयादीगु दु ।

व्यकलं सत्यतथ्य सुचं सम्प्रेषण याइपिं पत्रकारतय इतिहास हुइगु गलत जूगु खँ धयादीगु खः । वंगु शनिवाः नेवाः पत्रकार राष्ट्रिय दबू यलय ग्वसाः ग्वःगु सत्यनारायण बहादुर श्रेष्ठ फुटसल धेधेबल्ला कासायु सिरपाः लःल्हायेगु ज्याइवल्यु न्ववायेगु इवल्यु व्यकलं उगु खँ धयादीगु खः ।

मन्त्री खरेलं सत्यतथ्य दस्तावेज न्ह्यब्वयेत इनाप यासै वास्तविक तथ्य उपलब्ध जूगु अवस्थायु सत्यनारायण बहादुर श्रेष्ठयात नेपाल पत्रकार महासंघया संस्थापक अध्यक्ष घोषणा यायेत थम्हं माःगु कुतः यायेगु आश्वासन बियादीगु दु ।

उकथं हे ज्याइवल्यु श्रेष्ठया चीधम्ह म्हायु सुजिता मानन्धरं थः अबुं पत्रकारित व शिक्षा क्षेत्रयु यानादीगु योगदानयात कयाः चर्चा यानादीसै तत्कालीन दरबार लिसेया सम्बन्धया कारणं श्रेष्ठं निर्वासित जीवन भारतया



कलकत्तायु हनेमाःगु खँ कनादिल । लिसै व्यकलं बहुदलीय प्रजातन्त्र लिपा नेपाः लिहाँ वयाः श्रेष्ठं शिक्षा क्षेत्रयु ज्या यानादीगु व त्रिभुवन आदर्श, महेन्द्र आदर्श व आदर्श विद्या मन्दिर ब्वनेकुथि स्वनादीगु खँ कनादिल । नेपाल पत्रकार महासंघया

संस्थापक अध्यक्ष सत्यनारायण बहादुर श्रेष्ठया ११० वःगु जन्मजयन्तीया अवसरयु जूगु ज्याइवल्यु सञ्चारकर्मीपिं प्रकृति अधिकारीयात पुरस्कृत व रामकृष्ण कर्माचार्ययात हनेगु ज्या जूगु खः । अधिकारीयात सत्यनारायण

बहादुर श्रेष्ठ प्रेस स्वतन्त्रता सेनानी पुरस्कार ११४६ सम्मान याःगु खः । गोरखापत्र राष्ट्रिय न्हिपौया सहसम्पदाक अधिकारीया २५ हजार तका नगद नं लःल्हाःगु खः । उकथं हे सत्यनारायण बहादुर श्रेष्ठ प्रेस स्वतन्त्रता सेनानी सम्मान

११४६ पाखे श्रेष्ठया सहकर्मी वरिष्ठ पत्रकार रामकृष्ण कर्माचार्ययात सम्मान याःगु खः । नेपाल पत्रकार महासंघया संस्थापक अध्यक्ष रुपयु श्रेष्ठयात स्थापित यायेत नेवाः पत्रकार राष्ट्रिय ल्यं ७ पेजयु

## फोनिज रामेछापपाखे सत्यनारायण बहादुर श्रेष्ठया बुदिया लसतायु गोष्ठी



लहना वाःपौ/ नेपाल पत्रकार महासंघया संस्थापक अध्यक्ष सत्यनारायण बहादुर श्रेष्ठया ११० वःगु जन्मजयन्तीया अवसरयु नेपाल आदिवासी जनजाति पत्रकार महासंघ (फोनिज) रामेछापं वंगु आइतवाः 'जेनजी आन्दोलनया राजनीतिक प्रभाव' विषयसं संवाद ज्याइवः याःगु दु ।

फोनिज सत्यनारायण बहादुर श्रेष्ठयात नेपाल पत्रकार महासंघया संस्थापक अध्यक्षया रुपयु माने याना वयाच्वंगु धासै व्यकःया लुमन्तीइ ज्याइवः याःगु खः ।

ज्याइवल्यु जेनजी आन्दोलनया पृष्ठभूमि, थुकिं नेपाःया राजनीतिइ लाःगु प्रभाव, युवापुस्ताया अप्वया वनाच्वंगु राजनीतिक सक्रियता व लोकतान्त्रिक अभ्यासयु खनेदुगु हिउपाया विषयसं फोनिज बागमती प्रदेश अध्यक्ष युवराज श्रेष्ठं कार्यपत्र न्ह्यब्वयादीगु खः ।

कार्यपत्रयात कयाः ब्वति काःपिसं धापू तयेगु ज्या जूगु खः । ज्याइवल्यु पुलांम्ह ऊर्जा, जलस्रोत तथा सिंचाइ राज्यमन्त्री लिसै काग्रेस रामेछापया सभापति ल्यं ७ पेजयु



**NIC ASIA MoBank मा छन् अनेकौ सेवाहरु**

NEA, Flight Ticket, Government Payment, TV/Internet, Khanepani, Cable Car, Insurance, EMI, College Payment, Bus Ticket, Fund Transfer, Credit Card, Apply for Share, Topup, Cardless Withdraw, Demat

आजै NIC ASIA MoBank download गर्नुहोस्

28th Anniversary

CUSTOMER CARE: 01-5970101 customercare@nicasiabank.com



## नेवा: राष्ट्रिय म्ये

चमि : दुर्गालाल श्रेष्ठ लय चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन भीगु लागाय भी स्वयं हे ज: जुया धुन लुइ धुन ह्यांगु भुमिइ अष्टमण्डल ह्यांगु चा: दुने थी नगु भीगु नेवा: ध्वाँय थ्व हे ख: ज्यान भी सकस्यां छगू जातितय स्वायत्त राज्य लुइ कपं च्वय भिलिमिलिं राष्ट्र भ:भ: धायक न्त्याके भीगु च:तिं भीगु हिं

## “सत्य” त्वपुइगु कुतलय् सत्यया स: तइपिं...



सुरजवीर बज्राचार्य

पत्रकारिता सत्यतथ्य ब्रँमि, न्यँमि, स्वकुमि तक थ्यंकी। पत्रकारपिसं भ्रम ह्वलेमज्यू सत्य कनेमा: सत्य स्थापित यायेत भूमिका भिहतेमा:। तर संचार ख्यलं हे यानाच्वंगु विभेद भी नेवा:त लगायत आदिवासी जनजातियगु आपालं मुदाय लुयाच्वंगु दु, उकिया विरुद्धय स: थ्वयाच्वंगु दु। थुकथं हे थ्वयाच्वंगु स: व छगू आन्दोलन ख: सत्यनारायण बहादुर श्रेष्ठया योगदानया कदर व मानया नितीं थ्वयाच्वंगु स: व जुयाच्वंगु आन्दोलन।

पत्रकारिताया धर्म व उगु भाला बोध याना: न्ह्यज्यायेमा:गु राष्ट्रया प्यंगु अर्जं यानाच्वंगु थीथी विभेदया हुनिं धइगु निष्पक्ष जुइमा:पिं पत्रकारत राजनीतिक दलया विचारं थ:त भुंका: इमिगु ल्यूल्यु जुइगु व दलया स्वार्थयात मिखा तिसिना: समर्थन यासं पत्रकारिताया सिद्धान्त व धर्म त्व:मंकीगु प्रवृत्तिया हुनिं ख:। थजा:गु हे अवस्थां अन्याय न्यायय हिलेमफुनि।

नेपा:या पत्रकारत छवा: यायेगु तातुनां न्हापांगु खुसी वि.सं. २००८ सालय नेपाल टुडेया सम्पादक सत्यनारायण बहादुर श्रेष्ठ नेपाल पत्रकार संघ नीस्वनादिल। २००७ सालया क्रान्ति लिपा पत्रकारत छवा: यायेगु, पत्रकारिता ख्य:या विकास व पत्रकारपिनिगु हक अधिकारया नितीं सकसित छगू संघय मुकेगु कुत: गुलि त:जिगु कुत: जुइ धइगु थौंया नेपाल पत्रकार महासंघं नं चक्कं क्यनाच्वंगु दु। व हे जगय थौं नेपाल पत्रकार महासंघ दनाच्वंगु दु, व हे विभेदं जा:गु नीति कय च्याना: पत्रकारपिं छवा: यानाच्वनागु दम्भ ब्वयाच्वंगु दु। मिहा: सत्यनारायण बहादुर श्रेष्ठ संस्थापक नाय: जुया: नीस्वंगु नेपाल पत्रकार संघया सेक्रेटरीया भाला भोजबहादुर सिंह न्योपाने पूर्वकादीगु ग्रीष्मबहादुर देवकोटां नेपालको छापाखाना र पत्र-पत्रिकाको इतिहास सफुतिइ कियात:गु दु। पत्रकारिता ब्विमिपिनिगु नितीं थ्व न्ह्यु तथ्य मखु। २००९ साल वैशाख २८ गते आर्य समाज मन्दिर, भोताहीतिइ जगु संघया निक्व:गु सभां हाकनं नेपाल टुडेया सम्पादक सत्यनारायण बहादुर श्रेष्ठयात हे नाय: ल्यल।

कार्यसमितिइ उपसभापति प्रेमराज शर्मा (सं, गोस्वापत्र), सेक्रेटरी भोजबहादुर सिंह न्योपाने (सं, तरंग), ज्वाइन्ट सेक्रेटरी रामहरि जोशी, (सं, नेपाल पुकार), कोषाध्यक्ष रामराज शर्मा, (नेपाल पुकार) व सदस्य नारायणप्रसाद उपाध्याय, देवेन्द्रराज शर्मा, भीमभक्त जोशी, प्रकाशचन्द्र टण्डनपित ल्यल। थगु समितिं उबलय् देशय दुनेच्वीपिं व पिनेच्वीपिं पत्रकारपिं दशुइ स्वापू धिसि धायेकेगुनिसें श्रमजीवी पत्रकार व समाचारपत्रया अधिकार रक्षा यायेगु तातुनां न्ह्यज्या:गु खनेदु। संचार ख्यलय् दुगु अस्पष्टता न्हंकेत: ज्या न्त्याकगु खनेदु। मेहे उबलय्या सरकारं दयेकगु कानूनं संचार ख्यलय् हस्तक्षेप जुइगु खँ न्ह्यथसें थुकिया विरुद्ध थ:गु स: नं थ्वयेकगु ख:।

ग्रीष्मबहादुर देवकोटां थ:गु सफु

“नेपालको छापाखाना र पत्रपत्रिकाको इतिहास”य नेपालय पत्रकारत संगठित यायेगु ज्या जगु खँ न्ह्यथनादी कथं “नेपाल पत्रकार संघया पलिस्था २००८ सालय जगु ख:। थुकिया संस्थापक अध्यक्ष सत्यनारायण बहादुर श्रेष्ठ ख:।” धका: च्वयादीगु दुसा गोस्वापत्रय २००९ सालमा पिदंगु समाचारं नं व हे धा:।

“२००८ सालय पत्रकार एकताया तातुनां सत्यनारायण बहादुर श्रेष्ठ थ:गु नेतृत्वय नेपाल पत्रकार संघ नीस्वनादीगु ख:।” थगु तथ्यं सत्यनारायण बहादुर श्रेष्ठ हे नेपाल पत्रकार महासंघया संस्थापक ख: धका: प्रमाणित याइ। तर न्ह्य: व:पिंत थने फइ, न्ह्य: व: पह: यानाच्वीपिंत थनेफइमखु धा:थेजा:गु परिस्थिति नेपाल पत्रकार महासंघय दु, अले उगु महासंघय राजनीतिक दलया बल जचना: दुहां वनीगु कार्यसमितियाके नं सत्यया नितीं ल्वायेत तागत मगा:। थगु स: थना: सत्यया पक्षय आन्दोलन यानाच्वंगु नेवा: पत्रकार राष्ट्रिय दबू, नेपाल आदिवासी जनजाति पत्रकार महासंघया भोट कायेत सत्यनारायणया योगदान कदर यायेगु/याकेगु व जुयाच्वंगु अन्यायया विरुद्ध स: तयेधका: त्याका वीपिनिगु नं ख्वा: हिलावंगु नं दु। उकथं बेइमानी या:पिं राजनीतिज्ञ पत्रकारतय दथुइ नेवा: व आदिवासी जनजाति पत्रकारपिं नं ला:सा थगु हे तथ्यं पत्रकार महासंघ दुने निगू धारय पत्रकारत खनेदुगु अवस्था नं मेखे दु।

भीगु स: त्वपुइगु कुत: यानाच्वीपिसं धयाच्वंगु दु “नेपाली काँग्रेसया संस्थापक नेता व पूर्वप्रधानमन्त्री कृष्णप्रसाद भट्टराई २०१२ सालय संस्थापक अध्यक्ष कथं नेपाल पत्रकार महासंघया जग स्वंगु ख:। नेपाल पत्रकार संघया पुनर्गठनया थ्व घटनायात हे नेपाल पत्रकार महासंघया नीस्वना ख: धका: ८ सालया इतिहास हुइगु कुत: इमिसं यानाच्वंगु दु। थ्व हे तथ्ययात विधानय तर्क दुथ्याका: छगू बल्ला:गु आधार धका: ब्वयाच्वंगु नेपाल पत्रकार महासंघं थ:गु पलिस्था दिं हे २०१२ चैत्र १६ गते धका: हना: वयाच्वंगु दुसा नाय:पिनिगु किपाया धलखय नं कृष्णप्रसाद भट्टराई हे न्हापांमह नाय: कथं ब्वया: सत्यनारायण बहादुर श्रेष्ठयात अपमान यानाच्वंगु दु। थजा:गु प्रवृत्तिया विरोध यासें सत्यतथ्ययात मनन यायेगु स: थ्वयेका: न्ह्यज्याना च्वनापिं भीसं थगु सलय तिब: जुइक सत्यनारायण बहादुर श्रेष्ठया जन्मजयन्ती हनेगु परम्परा न्त्याका।

नेवा: पत्रकारतयगु राष्ट्रिय संगठन नेवा: पत्रकार राष्ट्रिय दबुलिं ने.सं. ११४० (२०७६) सालय दकलय न्हापांखुसी सत्यनारायण बहादुर श्रेष्ठया १०४ क्व:गु जन्मजयन्ती हनां थगु परम्परा न्त्याकगु ख:। २०७७ सालय १०५ क्व:गु जन्मजयन्तीइ उबलय्या सञ्चार तथा सूचना प्रविधि मन्त्री पार्वत गुरुडया मूपाहांकथं ब्वति दुगु ख:। १०६ क्व:गु जन्मजयन्ती नेपाल पत्रकार महासंघया सभाहलय हनेगु ज्या जगु ख:सा थगु ज्याभ्वलय नेपाल पत्रकार महासंघं मा:गु सकतां ग्वाहालि याना: नं सुं हे उपस्थिति मजूसे थगु तथ्य स्वीकार यायेगु हिम्मत मरुगु खँ मौन रुपं त:गु जुल। वय क:या १०७ क्व:गु जन्मजयन्ती यलया ज्वागल बैकवटय जगु ख:सा १०८ क्व:गु जन्मजयन्ती हनेगु भ्वलय रक्तदान व पत्रकार-कलाकार दशुइ फुटसल कासा नं जगु जुल। थगु आन्दोलनया अर्ध ब्यापक जुइक जगु ज्या फुटसल कासा थौंतेक नं निरन्तर जुयाच्वंगु जुल। थुकथं आन्दोलनया

स्वरुपय विविधता हया: स: तयेगु ज्या मदिकक जुयाच्वंगु हे जुलसा थगु ज्याया अ:ख: कृष्णप्रसाद भट्टराईया नामं आमसंचार प्रशिक्षण प्रतिष्ठान गठन यायेगु कुत: थीथी सरकारं बारम्बार यानावं च्वन। सुशील कोइराला प्रधानमन्त्री जुयाच्वं बलय उबलय या सञ्चार मन्त्री मिनेन्द्र रिजालया प्रस्तावय मन्त्रिपरिषदं ‘कृष्णप्रसाद भट्टराई राष्ट्रिय आम सञ्चार प्रतिष्ठान’ नीस्वनेगु निर्णय या:गु खँ तल। थगु निर्णयया विरुद्धय स: थ्वयेवं थगु ज्यां सरकार लिचिल। ‘कृष्णप्रसाद भट्टराई राष्ट्रिय आम सञ्चार प्रतिष्ठान’ या नां हिला: ‘राष्ट्रिय आम सञ्चार प्रतिष्ठान’ त:गु ख:। सञ्चारकर्मीतयगु क्षमता विकासया नितीं प्रतिष्ठान नीस्वनेगु भिंगु ज्या ख:सां थुकिं कृष्णप्रसाद भट्टराईयात नेपाल पत्रकार महासंघया संस्थापक नाय:या नां बीगु थेजा:गु गलत तथ्यय आधारित ज्याया विरोध सकभनं जगु जुल।

२०७२ सालया बजेटय अर्थमन्त्री रामशरण महतं नेपाली काँग्रेसया संस्थापक नेता कृष्णप्रसाद भट्टराईया लुमनि आमसंचार प्रतिष्ठान नीस्वनेगु खँ न्ह्यथन। ०७४ सालय मोहनबहादुर बस्नेत सञ्चारमन्त्री जबलय नं थगु खँ न्ह्यथन। २०७९ सालय नं सरकारं थ:गु नीति व कार्यक्रमय कृष्णप्रसाद भट्टराई आमसञ्चार प्रशिक्षण प्रतिष्ठान नीस्वनेगु खँ न्ह्यथन। थथे सरकारं गुबले गुबले थगु गलत तथ्य स्वनेत: कुत: यात, थुकिया सकभनं विरोध जुल। नेपाल पत्रकार महासंघया निवर्तमान नाय: विपुल पोखरेल व ज्यासना पुच:नाप नेवा: पत्रकार नं सहभागी जुया: नेपाल आदिवासी जनजाति महासंघ फोनिजं बारम्बार खँ ब्याका: थगु विषय अध्ययनया ज्या न्त्याकेगु स: त:गु ख:। पत्रकार दबुलिं तथ्यं छर्लङ्गु थगु खँया हानं अध्ययन यायेगु धायेगु धइगु हे मेगु षडयन्त्र ख:, थुकियात गथे ख: अथे हे स्वीकार यायेमा: धका: स: त:गु ख:सा पत्रकार महासंघया २७ क्व:गु महाधिवेशनया माइन्डेटयात मान तया: थगु कुत:यात स्वीकार यायेगु ज्या जगु ख:।

महासंघया २७ क्व:गु महाधिवेशनं त्रिभुवन विश्वविद्यालयया आमसञ्चार तथा पत्रकारिता विभाग र इतिहास विभाग दुथ्याका: अध्ययन कार्यदल दयेका: थगु खँया सत्यतथ्य क्व:छीत म्यान्डेट ब्युगु ख:। थगु खँय फोनिजया नेतृत्वय नेवा: पत्रकार, मधेशी पत्रकारपिसं ब: बिया: वयाच्वंगु जुल। थगु ज्याय लिबाके मज्यूगु खँय बारम्बार ध्यानाकर्षण याकगु ख:। थगु स:या सम्बोधन आ:तक नं मजुनिं। अर्ध उगु म्यान्डेट अ:ख: महासंघया पूर्व अध्यक्षपिनिगु ब्यक्तिव्या मुना “अग्र अनुहार” सफु पिथना महासंघं थगु स:या अ:ख: हानं कृष्णप्रसाद भट्टराई हे संस्थापक नाय: ख: धइगु भ्रमयात संस्थापक यायेगु मेगु कुत: यात। थुकिया नेपाल आदिवासी जनजाति पत्रकार महासंघ (फोनिज), मधेशी पत्रकार समाज, नेवा: पत्रकार राष्ट्रिय दबू लगायत संगठनं सफुया पितब्वज्याय हे वना: विरोध यासें दबुलिइ हे उगु सफु खुना: तर्क विरोध या:गु जुल।

नेपाल पत्रकार महासंघं इमान्दार जुया: महाधिवेशनया म्यान्डेटयात ध्यान तया: कताकक ज्या मन्त्याकगु हुनिं थगु खँ गन ख: अन हे दिनाच्वं थें ता:। तर थुकी “ज्यूज्यू धायेगु-ज्या मयायेगु” पह:या षडयन्त्र जुयाच्वंगु भीसं वा: चायेकेमा:। आन्दोलन याइपिनिगु पला: अर्ध धिसि धायेमा:, स: अर्ध सशक्त जुइक ब्वलंकेमा:, ह्युपा छहु अवश्य वइ। सत्यनारायण बहादुर श्रेष्ठया योगदानया कदर छहु अवश्य जुइ।

## सम्पादकीय



### सत्यनारायण बहादुर श्रेष्ठयात संस्थापक

#### नाय:या मान्यता अपरिहार्य ख:

इतिहास धयागु लुमन्तिया संग्रह जक मखु, सत्यया लिधंसाय स्थापित जगु सामूहिक चेतना ख:। इतिहासया तथ्ययात उपेक्षा, उपेक्षा वा सुविधा कथं पुन:लेखन यायेबलय अन्याय जक मखु- भविष्य विरुद्धया अपराध नं जुइ। थौं उगु ऐतिहासिक अन्यायया केन्द्रय नेपाल पत्रकार महासंघया संस्थापक नाय: सु ख: धइगु बहस दनाच्वंगु दु। २००८ सालय नीस्वंगु नेपाली पत्रकार महासंघया न्हापांमह नाय: सत्यनारायणबहादुर श्रेष्ठ ख: धका: उपलब्ध दस्तावेज, समसामयिक प्रमाण, प्रत्यक्ष ऐतिहासिक तथ्यं स्पष्ट या:। नेपाल टुडेया सम्पादक जुयादीमह श्रेष्ठ व तरंगया सम्पादक भोजबहादुरसिंह न्योपानेया कजि कथं न्हापांगु पत्रकार संघ नीस्वंगु ख:। २००९ साल वैशाख २८ गते जगु निक्व:गु बैठकं वहे नेतृत्वयात पुन:पुष्टि या:गु तथ्य ऐतिहासिक अभिलेखय अभिलेखित दु।

वयां पायछि च्यादं लिपा २०१२ साल चैत्र १६ गते कृष्णप्रसाद उपाध्याय भट्टराईया नेतृत्वय पत्रकारतयगु मेगु मुँज्यापाखें नेपाली पत्रकार महासंघ नीस्वंगु जुल। अर्ध महत्वपूर्ण खँ थ्व महासंघ न्ह्यु संगठन मखु, न्हापाया नेपाल पत्रकार संघया पुनर्गठन ख:। थज्या:गु अवस्थाय न्हापा हे पलिस्था जुइधुंकेगु संघया न्हापांमह नाय: व लिपा नेतृत्वय व:मह व्यक्तियात ‘संस्थापक नाय:’ धका: कायेगु धइगु इतिहासया स्पष्ट गलत व्याख्या ख:।

थ्व बहस सुं नं मनूयात अवमूल्यन यायेगु मनसायं ब्वलंगु मखु। वक्तापिसं हे स्पष्ट यानात:गु दु, थुकिं मद्दुमह कृष्णप्रसाद भट्टराईया अनादर क्यनी मखु। वयक:या राजनैतिक, बौद्धिक व राष्ट्रिय योगदान अकाट्य ख:। तर व्यक्तित्वया उचाइया आधारय इतिहासया तथ्ययात हिले फइमखु। इतिहास पद, प्रतिष्ठा वा लोकप्रियताया लिधंसाय मखु तथ्य, तिथि व प्रमाणया लिधंसाय च्वइ। थ्व विषयसं महासंघया सम्बद्ध पक्ष लिचिले मिले मजु। त:दँ न्ह्यवनिसें ब्वलनाच्वंगु न्ह्यसयात बेवास्ता यायेगु बौद्धिक कायरता ख:। पत्रकारत स्वयं सत्य व तथ्यया नितीं ल्वाइगु वर्ग ख: धा:सा थ:गु हे संस्थाया इतिहासय दुगु अन्याय भिकेत छाय लिचिलेगु ?

आदिवासी जनजाति पत्रकार महासंघ, नेवा: पत्रकार दबू लगायत देय्या फुक्क संचारक:मिपिसं थ्व विषययात ‘न्यायया नितीं लडाइँ’ धका: ल्वानाच्वंगु संयोग मखु। गृष्मबहादुर देवकोटां च्वयादीगु नेपाली छापाखानाया इतिहास लिसेया दस्तावेजं नं प्रारम्भिक पत्रकार संगठनय सत्यनारायणबहादुर श्रेष्ठया निर्विवाद नेतृत्व क्यनाच्वंगु दु। थ्व स: गुगुं समुदायया आग्रह मखु, इतिहासया पुन:स्थापनाया माग ख:।

२००७ य प्रजातन्त्र व:गु कन्ह्य कुन्हु सन् २००८ सालय पत्रकार संगठन नीस्वनेगु धइगु सत्यनारायणबहादुर श्रेष्ठया दूरदर्शिता, नेतृत्व क्षमता, पत्रकारिताप्रति प्रतिबद्धताया दसि ख:। थज्या:गु योगदानयात ल्व:मंकेगु धइगु छम्ह मनूयात जक अन्याय मखु- नेवा: पत्रकारिताया समग्र प्रारम्भिक इतिहासयात अन्याय ख:। आ: न्ह्यस: स्पष्ट दु, नेपाल पत्रकार महासंघ इतिहासया सामना यायेत तयार दु ला ? बाय सुविधाजनक मौनताय च्वना: तथ्ययात स्याना हे च्वनेगु ला ?







# श्रेष्ठयात संस्थापक मधाःसे मगाः



लक्की चौधरी

सत्यनारायणबहादुर श्रेष्ठ तत्कालीन नेपाल पत्रकार संघ व आःया नेपाल पत्रकार महासंघया संस्थापक अध्यक्ष खः। अथे खःसां नं वयकःयात नेपाल पत्रकार महासंघ संस्थापक माने यानाच्वंगु मद्दु। वयकःयात अन्याय जूगु दु। महासंघ नेपाःया पत्रकारीया कुसा संगठन ख, तर थः हे संस्थापकयात न्याय याःगु मद्दु। मिहःया न्हि न्हयलुवा पत्रकारतयसं गुलि हाथ्याया दथुइ पत्रकारिता याःगु खः धइगु ल्वःमके मजिउ। नेपालय प्रजातन्त्रया पुनरबहाली यायेत व व्यावसायिक पत्रकारितायात ल्यंकेगु याःगु योगदाना न्ह्याक्व प्रसंशा याःसां म्हे जुइ।

पत्रकारिताया शुरुवाती चरणयात नेपाःया पत्रकारिताया स्वर्णीम न्हि कथं कायेगु याः। उकिया जगय् थौं महासंघ न्ह्यानाच्वंगु दु। देय्न्क न्यानाच्वंगु दु। पत्रकारया ल्याः अप्वःगु दु। थौं ई हिउगु दु। परिस्थिति व कार्यशैली हिउगु दु। पाठकका चाहना, आवश्यकता व सोच्य हिउपाः वःगु दु। अथे खःसां नं प्रेसया हाथ्या व थाकूगु न्हि क्वचाःगु मद्दुनि। पत्रकारिता पेशा हे खतरा नालेगु पेशा खः। जिम्मेवारी व अवसर थ्व पेशाय् दु। देय्या लोकतन्त्र, शासन व्यवस्था हिउपाया लिसं ई कथं पत्रकारितायात व्यावसायिक, मर्यादित व जिम्मेवार दयेकेगु थौं आवश्यकता खः। उकिया निरति पत्रकार स्वयम् थःगु क्षमता ई कथं अप्वयेकेमाः।

सत्यनारायणबहादुर श्रेष्ठ थःगु नेतृत्वय् नीस्वंगु तत्कालीन पत्रकार संघ, थौं महासंघ जूगु दु। थौं महासंघय् द्वलद्वः पत्रकार दुथ्यानाच्वंगु दु। थ्व दुजः अथे हे अप्वःगु मखु। भूमी अग्रजया कडा मेहनत, परिश्रम व हाथ्यां जाःगु योगदान थुकी दुथ्याः।

## नेपाल पत्रकार संघ

देश्य प्रजातन्त्र बहाली जुइधुंकाः नेपाल पत्रकार संघ नीस्वंगु खः। वि.सं.

२००८ साल वैशाख ९ गते नेपाल पत्रकार संघ स्थापना जूगु खः। संघया सभापति सत्यनारायणबहादुर श्रेष्ठ व सेक्रेटरी भोजबहादुर सिंह न्यौपाने खः। दछि लिपा २००९ वैशाख २८ गते संघया निगूगु मुँज्या जुल। उगु मुँज्या हाकनं श्रेष्ठयात हे सभापतिया जिम्मेवारी बियाः न्ह्यु कार्यसमिति दयेकल। उगु समितिया उपसभापतिइ प्रेमराज शर्मा (गोरखापत्र), सचिव भोजबहादुर सिंह न्यौपाने (तरङ्ग), सहसचिव रामहरि जोशी (नेपाल पुकार), कोषाध्यक्ष रामराज शर्मा (नेपाल पुकार), दुजलय नारायणप्रसाद उपाध्याय (युगवाणी), देवेन्द्रराज शर्मा, भीमभक्त जोशी (उद्योग), प्रकाशचन्द्र टण्डन (पी.टी.आई.) पिं खः।

संघय् उगु इलय् लवबहादुर कपिल, रघुनाथप्रसाद गुप्ता, राजेन्द्रकुमार, देवबहादुर न्यौपाने, राधाकृष्ण भट्टराई, राजेश्वर देवकोटा, गोविन्दभक्त जोशी, आशाराम शाक्य, रुद्रलाल मुलामी, हरिश्चन्द्र, कुन्तीदेवी, पूर्णकाजी साधारण दुजः खः।

## संघ स्थापनाया उद्देश्य

नेपाःया पत्रकार व नेपाः पिनेया पत्रकारतयत संगठित यानाः उमिगु आवश्यक सुविधया निरति प्रयत्नशील जुइगु। नेपाः पिनेया पत्रकारत लिसं सम्बन्ध स्थापित यानाः नेपाःया श्रमजीवी पत्रकार व अखवारया अधिकारया रक्षा यायेगु। संघया दुजः जुइत नेपाःया पत्रकार जुइमाःगु, समाचारपत्रया सम्पादकीय विभागया दुजः जुइमाःगु, नियमित च्वज्याय् दुथ्यायेमाःगु लगायत खः।

संघया निम्ह साधारण दुजःया सिफारिसय् दुजः जुइफइगु प्रावधान क्वःछिनातःगु खः। साधारण दुजः जुइत छतका व दैय् नितकाः पुलेमाःगु व्यवस्था दुगु खः।

वि.सं. २०१२ चैत १६ गते संघयात हाकनं स्वक्वःखुसी पुनर्गठन यात। नेपाल पुकार पत्रिकाया सम्पादक कृष्णप्रसाद उपाध्याय (भट्टराई) या सभापतित्वय् संघ पुनर्गठन जूगु खः। उगु समितिया उपसभापतिइ फतेबहादुर सिंह, मन्त्रीइ मणिराज उपाध्याय, सहायक मन्त्रीइ राम सिंह व कोषाध्यक्षय् उदयराज शास्त्री ल्यःगु खः। दुजलय हृदयचन्द्रसिंह प्रधान, शारदा रेग्मी व राजबहादुर मिश्र ल्यःगु खः।

पुनर्गठित संघया उद्देश्यय् देश्य प्रबुद्ध व उत्तरदायी जनमतया ब्वलंकेत स्वच्छ पत्रकारिताया विकासय् ग्वाहालि यायेगु, राष्ट्रिय हितय् लिच्चः मलाइ कथं पत्रकारया हक व अधिकारया निरति कुतः यायेगु, पत्रकारतयत इलय् ब्यलय् वइगु कष्टया निराकरणया निरति माःगु पलाः ल्त्वनेगु। साधारण दुजः जुइत निम्ह दुजःया सिफारिसया आवेदन, प्रवेश शुल्क १० तका, मासिक १ तका बुभे यायेमाःगु व्यवस्था जुल। साधारण दुजः जूगु स्वला पूर्वतले साधारणसभाय् मतदान याये मदइगु व्यवस्था नं याता। संघया दुजलय् निरति जुइत म्हेति नं पत्रकारिता याःगु निदं पूवनेमाःगु व्यवस्था तःगु खः।

## संघय् नेतृत्व

संघया न्हापांम्ह सभापति सत्यनारायणबहादुर श्रेष्ठ (२००८-२००९) खः। वयं लिपा संघ निदं तक निस्क्रिय जुल संघका पदाधिकारी व दुजःत निस्क्रिय जूसां नं थौंया महासंघया निरन्तरता सत्यनारायणबहादुर श्रेष्ठपाखे जूगु सत्य खः। वहे कारण नं महासंघ संस्थापकय् श्रेष्ठयात माने यायेगु हे वयकःयात जुइ। आः तक महासंघ श्रेष्ठयात संस्थापक माने मयासं अपमानित व अन्याय याना वयाच्वंगु दु। महासंघया निम्हम्ह सभापति कृष्णप्रसाद भट्टराई (२०१२) खः। स्वम्हम्ह दाताराम शर्मा (२०१३-२०१८) खः। प्यम्हम्ह फतेबहादुर सिंह (२०१८-२०१९), न्याम्हम्ह पशुपतिदेव पाण्डे (२०१९-२०२५), खुम्हम्ह मणिराज श्रेष्ठ (२०२५-२०२६), न्हयम्हम्ह गोपालदास श्रेष्ठ (२०२७-२०३०), च्याम्हम्ह गोकर्णदेव पाण्डे (२०३०-२०३२), गुम्हम्ह इन्दुकान्त मिश्र (२०३२-२०३५), भिम्हम्ह मञ्जुरत्न शाक्य (२०३५-२०३९), भिम्हम्हम्ह निर्मलकुमार अर्याल (२०३९-२०४३), भिम्हम्हम्ह मणिराज उपाध्याय (२०४३-२०४५), भिम्हम्हम्ह गोविन्दराज वियोगी (२०४६-२०४९) भिम्हम्हम्ह होमनाथ दाहाल (२०४९-२०५१), भिम्हम्हम्ह हरिहर विरही (२०५२-२०५४) खः।

उकथं हे भिम्हम्हम्ह सभापति किशोर नेपाल (२०५४-२०५६) निर्वाचित जुयादिल। तत्कालीन संघ महासंघय् हिलेधुंकाः न्हापांम्ह सभापति जुइगु ह्वःताः नेपालयात चूलात। २०५६ मंसिर १९ गते मेगु

महाधिवेशन जुल। उगु महाधिवेशनं भिम्हम्हम्हम्ह सभापतिइ सुरेश आचार्य (२०५६-२०५९) निर्वाचित जुल। वयकःया पालनिसें महासंघया कार्यावधि स्वदँया दयेकल। वयां लिपाया महाधिवेशनं भिम्हम्हम्हम्ह सभापतिइ तारानाथ दाहाल (२०५९-२०६२) निर्वाचित जुल। भिम्हम्हम्हम्ह सभापतिइ विष्णु निष्ठुरी (२०६२-२०६५), नीम्हम्ह सभापतिइ धर्मेन्द्र भा (२०६५-२०६८), नीछम्हम्ह सभापति शिव गाउँले (२०६८-२०७१), नीनिम्हम्ह अध्यक्षय् डा. महेन्द्र विष्ट (२०७१-२०७४), नस्वम्हम्ह अध्यक्षय् गोविन्द आचार्य (२०७४-२०७७), नीप्यम्हम्ह अध्यक्षय् बीपुल पोखरेल (२०७७-२०८०), नीन्याम्हम्ह अध्यक्ष निर्मला शर्मा (२०८१ पुस ९ निसं आःतक) कायम जुयादी।

## महाधिवेशन म्यान्डेट

महासंघया २०८१ वैशाख २२ गते जारी २७ क्वःगु महाधिवेशनया घोषणापत्रंस्थापक विषययात समाधानया उपाय बिउगु दु। घोषणापत्रया बुँदा नम्बर ५ स च्यायातःगु दु, “नेपाल पत्रकार महासंघया संस्थापक अध्यक्षया विषयसं आः ब्वलंगु विवादयात दृष्टिगत यानाः उगु विषयसं त्रिभुवन विश्वविद्यालय आमसञ्चार तथा पत्रकारिता विभाग, तथा इतिहास विभाग लिसेया समन्वयय् अध्ययन-अनुसन्धान यानाः तथ्य व प्रमाणया आधारय् लिच्चलय् थ्यनेत थुगु महाधिवेशन महासंघयात निर्देशन बी।”

महाधिवेशनया म्यान्डेट स्पष्ट दुसां नं आः तक महासंघ थुगु विषयसं पलाः ल्त्वनाच्वंगु मद्दु। फोनिजं तःक्वः महासंघ पदाधिकारी लिसं सहलह, संवाद व अल्टिमेटम बिउसां नं सुनुवाई जूगु मद्दु। महासंघ गम्भीर मजुतले संस्थापकया विषय थुकथं हे ध्याकुन्य् लाइ। थुकी महासंघ गम्भीर जुइमाः।

## अन्तय

संघया तत्कालीन उद्देश्य कथं हे थौं महासंघ अनवरत न्ह्यानाच्वंगु दु। महासंघया दायरा जक तःचाः जूगु खः। संघया जगय् महासंघ नीस्वंगुलिइ न्हापागु चरणया संघया निरन्तरता हे महासंघ खः। तत्कालीन संघ २००८ साल वैशाख ९ गते स्थापना जूगु थीथी सफू पत्रपत्रिकां स्वीकार याःगु दु। २००८ सालय् हे नेपाल पत्रकार संघ नीस्वंगु इलय् उकिया उद्देश्यय् श्रमजीवी पत्रकारया हकहित यायेगु खः। थौं नं मू

मुद्दा वहे खः। सत्यनारायणबहादुर श्रेष्ठ अध्यक्ष दुगु संघया प्रतिनिधिमण्डलं उगु हे विषयसं तत्कालीन गृह मन्त्रालयय् वनाः सरकारयात ध्यानाकर्षण याकूगु खनेदु।

वरिष्ठ च्वमि लिसं पत्रकार ग्रीस्मबहादुर देवकोटाया कथं संघ नीस्वने न्हयः हे २००८ वैशाख ९ गते यँस्थित सरस्वती सदनया पटाइ गनीइ भारतीय दैनिकपत्र ‘सर्चलाइट’ या उपसम्पादक नवल किशोरया न्हयलुवाय् जूगु भेलां संघ नीस्वंगु खः। परिवर्तित प्रजातन्त्र व नेपाली पत्रकारया हितरक्षा व सुविधा बीकेगु आज्जु कथं उगु भेलाया खसाः खःगु खः। भेलाय् नेपाःया पत्रकारया लिसं पीटीआई. यूपीआईया प्रतिनिधि पत्रकारया तर्क ब्वति दुगु खः।

महासंघया आःया विधानया अविच्छिन्नता दफाय् ‘२०१२ चैत १६ गते स्थापना जुयाः राष्ट्रिय निर्देशन ऐन २०१८ कथं दर्ता जूगु नेपाल पत्रकार महासंघयात संघ-संस्था दर्ता ऐन २०३४ कथं दर्ता कयाः क्रियाशील दुगु नेपाल पत्रकार महासंघया अविच्छिन्न उत्तराधिकारवाला संस्थाया रुपय् माने याये’ धकाः न्हयथनातःगु दु। संस्था न्ह्याइगु आधार हे संस्थाया विधान खः। उगु हे कथं संस्थाया अङ्ग प्रत्यङ्ग नीस्वनाः चलायमान जुइ।

तर विधानय् त्रुटी जुल धाःसा उगु संगठन नं त्रुटीपूर्ण रुपय् न्ह्याइ। महासंघया हकय् अथे हे जुयाच्वंगु दु। २००८ वैशाख ९ स स्थापना जूगु धकाः महासंघ स्वीकार मयाःतले संस्थापक श्रेष्ठयात अन्याय जुयाच्वनी। थ्व विषयसं महासंघया नेतृत्व याइपिं सकस्यां सिउ। राजनीतिक दाउपेचया कारण थ्व विषय ध्याकुन्य् लाःगु दु। महासंघयात राजनीतिक दाउपेचया संस्था स्वयां नं पत्रकारया हे विशुद्ध व्यावसायिक संगठन दयेकेगु खःसा श्रेष्ठयात संस्थापक स्वीकार मयासे मगाः। श्रेष्ठयात संस्थापक माने मयायेगु धइगु श्रेष्ठयात जक अन्याय मखु, नेपाली पत्रकारिता व समुदाययात अन्याय खः। महासंघया २७ क्वःगु महाधिवेशनं बिउगु म्यान्डेट पूर्वकाः श्रेष्ठयात न्याय यायेमाः।

(*च्वमि गोरखापत्र अनलाइन प्रकाशनया निरति सम्पादक व नेपाल आदिवासी जनजाति पत्रकार महासंघ (फोनिज) या अध्यक्ष खः।*)



**Sweet Cave**  
(जीवन दाईया पसः)  
Kalimati, Kathmandu, Nepal  
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।  
आउटडोर भेज क्याटरिङ्ग पनि गरिन्छ।

हरेक मंगलवाः  
राष्ट्रियताको लागि समर्पित



**मेरो साप्ताहिक**  
मन्त्रा साप्ताहिक **Mero Saptahik**  
मालाः मालाः ब्वनादिसं।

## गोकर्णेश्वर्यु नेपालभाषा छ्यलेत ज्ञापन



लहना वाःपौ/ नेपालभाषायात कामकाजी भाषा कथं लागू यायेमाःगु, साइनवोर्ड, लेटरहेडय् रज्जना लिपि छ् यलेमाःगु, नेपाल संवतयात छ्यलेमाःगु व स्थानीय पाठ्यक्रम स्थानीय भाषा नेपालभाषां ब्वंकेमाःगु माग याना गोकर्णेश्वर नगरपालिकायात ज्ञापन पौ लःल्हाःगु दु। नेवाः देय् दबू गोकर्णेश्वर नगरपालिकाया नेतृत्वय् वंगु पुचलं वंगु बुधवाः गोकर्णेश्वर नगरपालिकाया

नगर प्रमुख दिपककुमार रिसालयात ज्ञापन पौ लःल्हाःगु खः।

भाषा आयोगं कामकाजी भाषाया रूपय् लागू यायेत छ्वःगु पौ, नेपाल सरकारया संघीय मामिला व सामान्य प्रशासन मन्त्रालयपाखें स्थानीय सरकारयात नेपाल संवतयात छ्यलेत जारी याःगु परिपत्र, शिक्षा, विज्ञान व प्रविधि मन्त्रालयपाखें मातृभाषां शिक्षाया निती संघीय

मामिला व सामान्य प्रशासन मन्त्रालययात छ्वःगु पौ नापं घानाः ज्ञापन पौ लःल्हाःगु खः।

नेवाः देय् दबू गोकर्णेश्वर नगरपालिकाया नायः शिवहरी श्रेष्ठं नगर प्रमुख रिसालयात ज्ञापन पौ लःल्हाये धुंकाः नेवाः देय् दबू स्वनिगः विशेष प्रदेशया नायः नवीन थेच्वमि व निर्वतमान नायः श्रीकृष्ण महर्जनं भाषा, लिपि, संवत लागू यायेमाःगु नापं नेपालभाषां स्थानीय पाठ्यक्रम ब्वंकेमाःगु हुनि व कानूनी आधारत न्ह्यब्वःगु खः। उगु इलय् नगर प्रमुख दिपक रिसालं ज्ञापन पौयात कयाः कार्यापालिकाया मुंज्याय् यंकाः ठोस निर्णय यानाः कार्यान्वयन यायेगु बचं बियादीगु खः। ज्ञापन पौ लःल्हायेगु ज्याइवलय् नेवाः देय् दबू गोकर्णेश्वर नगरपालिकाया थीथी पदाधिकारी नापं दुजः अथे हे नेवाः देय् दबू यै जिल्ला समितिया दांभरी धर्मराज शाक्य नापं नेवाः छ्यःया थीथी ब्यक्तित्वपिं न सहभागी जूगु खः।

## सभ्यता संरक्षण यायेत कविता वाचन

लहना वाःपौ/ नेपालमण्डलया सभ्यता, कला व वाङ्मयया संरक्षण व संवर्द्धन यायेगु ताः तयाः कविता वाचन याःगु दु। न्याक्वःगु वार्षिक साधारणसभाया इवलय् 'नेपालमण्डल लिट्रेचर कल्चर ट्रष्ट' पाखें ग्वसाः खःगु कविता वाचनय् पूर्वमन्त्री डा. अजयक्रान्ति शाक्य, वरिष्ठ नुगःचु ल्वय् विशेषज्ञ डा. स्मृति शाक्य, भाषा आयोगया दुजः सुरेशकिरण मानन्धर, कवि रजनी मिलालिसैं थ्यंमथ्यं बागू दर्जन कविपिंसं कविता वाचन यानादीगु खः।

विसं २०७७ य् स्थापना जूगु ट्रष्टं नेपालमण्डलया सभ्यता, कला व वाङ्मयया संरक्षण व संवर्द्धनय् महत्वपूर्ण



भूमिका म्हिता वयाच्वंगु खः।

उगु हे इवलय् बागमती प्रदेशया पूर्वमन्त्री शाक्य 'अस्तित्व मालाचचना' व 'मतिनाया दस्तावेज' शीर्षकया निगू कविता वाचन यानादिसें नेपाःया इतिहास, मौलिक संस्कृति व बहुभाषिक साहित्यया छ्यलय् ज्या

याना वयाच्वंगु उगु संस्थां वइगु इलय् अनुसन्धानया ज्या यानाः संस्थायात अफ् च्चकाय् थ्यंकीगुलिइ आशावादी जुयाचचना धयादिल।

भाषा आयोगया दुजः मानन्धर 'देय् नं थौं छू पासपोर्ट मालाच्वंगु दु' शीर्षकय् कविता वाचन यानादीगु खः।

## भिंखुक्वःगु नेवाः एकता दिवसया लसताय् नेवाः च्याली



लहना वाःपौ/पुष १३ गते आइतवाः हलिं नेवाः गुथिया ग्वसालय् भिंखुक्वःगु नेवाः एकता दिवसया लसताय् यैय् नेवाः च्याली यानाः हंगु दु। मरुसत लागं सांस्कृतिक बाजागाजा लिसें यैया थीथी लागाय् उगु च्याली चाःहिउगु खः।

नेवाः एकता दिवसया लसताय् जूगु च्यालिइ आदिवासी नेवाः भूमिइ छुं न कथंया ज्या यायेत स्वतन्त्र अग्रिम जानकारीलिसें मञ्जुर एफपिक अनिवार्य रूपं कायेमाःगु, स्थानीय सरकार संचालन ऐनय् व्यवस्था दुगु कथं स्थानीय सरकारं नेवाः सांस्कृतिक संरक्षणया निती नेवाःतयगु लागाय्

नेवाः सांस्कृतिक संरक्षित क्षेत्र घोषणा याना कार्यान्वयन यायेमाःगु, नेवाः लागाय् थाय् बाय् पुलांगु हे नेवाः नांयात हिइका न्ह्यलाःथे तयाच्वंगुयात पना पुलांगु हे नां तयेगु निती कानून दयेकेमाःगु, संरचार माध्यमयात बहुभाषिक संरचार माध्यमया रूपय् यंकेगु निती ब्यागलं कथंया कानून दयेकेमाःगु, संविधानया धारा ५६ (५) सं व्यवस्था दुगु स्वायत्त क्षेत्र, संरक्षित क्षेत्र व विशेष क्षेत्रयात लागू यायेगु निती कानून हयेमाःगु, भाषा, जाति, संस्कृति, ऐतिहासिक व भौगोलिक निरन्तरताया म्हसीकाया आधारय् प्रदेश निर्माण यायेत संविधान संशोधन

यायेमाःगु, एकीकृत बागमती सभ्यता विकास आयोजनाया आःया संचरना खारेज याना खुसि सिथय् च्विपनिगु सहमति कथं एफपिक कया जक ज्या यायेगु कथं नेवाः आदिवासी व स्थानीय समुदायया नेतृत्वय् संरचना दयेकेमाःगु लगायत नारा च्वयातःगु प्लेकार्ड ज्वना चाःहिउगु खः।

थीथी लागाय् चाःहिले धुंकाः मरुसतलय् थ्यंकाः याःगु सभाय् पाहाँ कथं सहभागी जुयादीमह आदिवासी नेवाः अभियन्ता श्रीकृष्ण महर्जनं नेवाः एकता दिवसय् ल्त्वंगु मुद्दा आः फागुन २१ गते चुनाव जुइगु जुया चुनावय् दनीपिं सांसदया उम्मेदवार व राजनीतिक दलतय् आदिवासी नेवाः मतदातापिनिगु इनाप कथं न्ह्यःने यंकाः लःल्हायेमाःगु खँय् बः बियादिल।

हलिं नेवाः गुथिया नायः सुरेश सैजुं नेवाःत छप्पं छधी यायेगु निती हे हलिं नेवाः गुथिं थीथी ज्याइवः याना वयाच्वंगु खः धयादिसें नेवाः एकता दिवसं नं नेवाःतय् छप्पं छधी याइ धकाः विश्वास प्वंकुसें ज्याइवः क्वचायेकादीगु खः।

## नेपालभाषा, मांभासं शिक्षा, नेपाल संवतया नितीं ध्यानाकर्षण



लहना वाःपौ/नेवाः देय् दबू महालक्ष्मी नगर समितिपाखें महालक्ष्मी नगरपालिकाया मेयर हरिगोविन्द श्रेष्ठयात ध्यानाकर्षण पौ लःल्हात। शुक्रवाः नगरपालिकाया ज्याकुथिइ हे मेयर श्रेष्ठलिसे सहलह लिपा ध्यानाकर्षण पौ लःल्हाःगु खः।

स्थानीय भाषा नेपालभाषायात कामकाजी भाषा कथं लागू यायेमाःगु, नेपाल संवतयात लागू यायेमाःगु नापं स्थानीय पाठ्यक्रमय् स्थानीय भाषा नेपालभाषां ब्वंकेमाःगु माग यानाः पौ

लःल्हाःगु खः।

मेयर श्रेष्ठं माघ महिनाय् जुइगु नगरसभाय् प्रस्ताव यंकेगु बचं बियादिल।

नेवाः देय् दबू महालक्ष्मी नगर समितिया नायः कृष्ण महर्जन नापं पदाधिकारी, यल जिल्लाया वरिष्ठ न्वकू विजय महर्जन नापं पदाधिकारी अले नेवाः देय् दबू स्वनिगः विशेष प्रदेशया नायः नवीन थेच्वमि व निर्वतमान नायः श्रीकृष्ण महर्जन नं उगु सहलह ज्याइवलय् ब्वति काःगु खः।

## इतिहास हुइगु ...

दबू वंगु छू दशक न्ह्यर्वनिसें निरन्तर अभियान न्ह्याका वयाच्वंगु दु। श्रेष्ठया नेतृत्वय् २००८ साल वैशाख ९ गते नेपाःया पत्रकारिता क्षेत्रय् न्हापिंखुसी पेशागत संगठनया रूपय् नेपाल पत्रकार संघ नीस्वंगु खःसा वयां दछि लिपा २००९ साल वैशाख २८ गते श्रेष्ठया हे नेतृत्वय् संघ पुनर्गठन जूगु खः।

थ्वहे इवलय् स्वक्वःगु सत्यनारायण बहादुर श्रेष्ठ स्मृति मिडिया कप फुटसल प्रतियोगिताय् पत्रकार, कलाकार व थीथी पेशागत सघसंस्थाय् दुथ्याःपिं १० गू टिमं ब्वति काःगु खँ सयोजक प्रजित शाक्यं कनादीगु दु।

नेवाः पत्रकार राष्ट्रिय दबूया केन्द्रीय अध्यक्ष नृपेन्द्रलाल श्रेष्ठया सभापतित्वय् जूगु ज्याइवलय् नेपाल आदिवासी जनजाति पत्रकार महासंघ (फोनिज) या संघीय अध्यक्ष लक्की चौधरी, यल महानगरपालिका-५ वडाया अध्यक्ष विकासमान श्रेष्ठ, १६ वडाया अध्यक्ष निर्मलरत्न शाक्य, तामाङ पत्रकार संघया नायः नेत्र तामाङ, ताम्राकार समाजया प्रतिनिधिपिंसं ब्वति काःगु खः।

फुटसल कासाय् यल महानगरपालिका १६ वडाया कलाकार पुचलं स्वक्वःगु सत्यनारायण बहादुर श्रेष्ठ स्मृति मिडिया फुटसल प्रतियोगिता त्याकूगु

दु। कलाकार समितिं फाइनलय् राष्ट्रिय फोटो पत्रकार समूहयात पेनाल्टी सुटआउटय् ३-२ बुकूगु खः। प्रतियोगिताय् राष्ट्रिय समाचार समिति (रासस) स्वंगूगु थासय् लाःगु दु।

फुटसल धेधेबल्लाया उलेज्या यल महानगरपालिका-५ वडाया अध्यक्ष विकासमान श्रेष्ठं बल थ्वानाः यानादीगु खः।

उलेज्या ज्याइवलय् न्ववायेगु इवलय् वय्कलं थम्हं थज्याःगु ज्याया नितीं फक्व ग्वाहालि यायेगु खँ धयादिसें सत्यनारायण बहादुर श्रेष्ठयात महासंघया संस्थापक अध्यक्ष कथं स्थापित यायेगु नितीं नेवाः पत्रकार राष्ट्रिय दबू यानाच्वंगु ज्यायात च्वछायादीगु खः।

## फोनिज रामेछाप...

पूर्णबहादुर तामाङ (कान्छाराम), बागमती प्रदेश उद्योग, पर्यटन तथा वातावरण समिति सभापति लिसे एमाले नेता आनन्दकुमार श्रेष्ठ, मन्थली नगरपालिकाया प्रमुख लव श्रेष्ठ, जिल्ला समन्वय समिति रामेछापया उपप्रमुख प्रेमबहादुर थापा, नेपाल पत्रकार महासंघ रामेछापया अध्यक्ष दिपककुमार घिमिरे सम्बोधन यानादीगु खः।

ज्याइवः फोनिज रामेछापया अध्यक्ष कुमार श्रेष्ठया अध्यक्षताय् जूगु खः।

प्रचलित नेपाललिपिं पिहाँ वयाच्वंगु म्हसीका लय्पौ ब्वनादिसें/ब्वंकादिसें

**म्हसीका लय्पौ**

MHASIKA Monthly | म्हसीका मासिक

## तिमिलाया यचु ख्वाःया पितव्वज्या



लहना वाःपौ/ साहित्यकार लिसे कलाकार रामकुमार ख्यैया च्चसां पिदंगु 'तिमिलाया यचु ख्वाः' म्युजिक भिडियो वंगु बिहीवाः पितव्वज्या जगु दु। यँ बालाजुइ च्चंगु अष्टनारायण हल्य जगु ज्याइवल्य मूपाहां शाक्य सुरेनं त्वाः

देवाय मत च्याकाः पितव्वज्या यानादीगु खः। राकेश अवालेया सभापतित्वय जगु ज्याइवल्य विशेष पाहां लिसे वरिष्ठ निर्देशक पवन जोशी म्युजिक भिडियो मेगु म्युजिक भिडियो स्वयां बिस्कं खनेदुगु धासें नेवाः तजिलजि

व्येगु ज्या थुगु म्युजिक भिडियोय् जगु खँ धयादीगु दु।

मदुम्ह रामकुमार ख्यैया काय प्रभातकुमार ख्यै लसकुस यानाः न्ह्याःगु ज्याइवल्य निर्देशक लुजः सिंह म्युजिक भिडियोया बारे जानकारी बियादीगु खः। भूपेन्द्र वज्राचार्य एरेन्जर याःगु म्युजिक भिडियोय् कलाकार कथं सोहित मानन्धर कृष्णा अमात्य व एन्जेला शाक्य, प्रभातकुमार ख्यै अभियन यानातःगु दु। किरण अमात्य सः बियादीगु म्युजिक भिडियोय् कोरियोग्राफी सावित्री खत्री, मेकअप बुद्धि लामां यानादीगु खः।

## नेपालभाषा मंकाः खलःया नेवाः मुना

लहना वाःपौ/नेपालभाषा मंकाः खलःया ग्वसालय् नेवाः मुना ज्याइवः वंगु शनिवाः मंकाः खलःया छैय् जगु दु। ज्याइवल्य नेवाः फल्चा, नेपालभाषाया प्यंगः थां पं. निष्ठानन्द वज्राचार्य, योगवीर सिं कसाः सिद्धिदास अमात्य, जगत सुन्दर मल्ल, कवी केशरी चित्तधर हृदयया इवाता उलेज्या याःगु खः।

उकथं हे ज्याइवल्य नेपाल संवतया प्रणेता शंखधर साख्वाः व नेवाः न्ह्यलुवालिसे मानव अधिकारकर्मी नेता पद्मरत्न तुलाधारया इवाता नं उलेज्या याःगु खः। मंकाः खलःया नायः



रमेशमान पियाया सभापतित्वय जगु ज्याइवल्य मंकाः खलःया छै दनेगु निर्मित ग्वाहालि याःपिं हनेगु ज्या नं जगु खः। हनेज्याय् उपमेयर सुनिता डंगोल, पुलांम्ह सांसद शैलेन्द्रमान वज्राचार्य,

यैया पुलांम्ह मेयर विद्यासुन्दर शाक्य, १५ वडाया नायः ईश्वरमान डंगोल, २२ वडाया चिनिकाजी महर्जन, २१ या उदय चुडामणि वज्राचार्यपितं हनेगु ज्या नं जगु खः।

## मदनराज ताम्राकारया 'अतीतको भ्रमलको' पिदन



लहना वाःपौ/ मदनराज ताम्राकार च्चःगु 'अतीतको भ्रमलको' वंगु शनिवाः छगु ज्याइवःया दथुइ साहित्यकार प्रा.डा तुलसीप्रसाद भट्टराई सार्वजनिक यानादीगु। सफुतिइ थःगु जीवनया अनुभूति व थीथी देय् चाहिलेगु इवल्य या अनुभव दुथ्याकातःगु दु। ज्याइवल्य

न्ववायेगु साहित्यकार भट्टराई च्चमि ताम्राकारं अवकाश लिपा जीवनयात सार्थक दयेकेगु कुतः याःगु खँ धयादीगु दु। वयकलं सफु छैजःपिनिगु निर्मित जक मखुसें सकस्यां ब्वनेमाःगु खँ नं धयादीगु दु। वयकलं उमेर स्वयां नं बिचाः व सोचं न्ह्याबले ल्याय्म्ह जुझाःगु खँ नं

धयादीगु दु।

उकथं हे ज्याइवल्य वाल्मीकि क्याम्पसया उपप्राध्यापक लिसे समालोचक तेजविलास अधिकारी सफुर्त इतिहास व साहित्यया माध्यमं समाजयात बीमाःगु खँ धयादिल। ज्याइवल्य नेपाल पुजा प्रतिष्ठानया कोषाध्यक्ष विजयकुमार गौतम, च्चमिया काय लिसे प्रकाशक किर्तिराज ताम्राकारं थुगु सफु थः अबुया किर्ति जक मखुसें जीवनया संघर्ष, अनुभव व प्रेरणया प्रतिबिम्बित जगु खँ धयादिल। ताम्राकार समाजया पुलांम्ह अध्यक्ष रविन्द्रराज ताम्राकारया सभापतित्वय जगु ज्याइवल्य प्रा.डा कुमार कोइराला नं थःगु धापू तयादीगु खः।

## नागार्जुनय् जेष्ठ नागरिक दिवस



लहना वाःपौ/न्याक्वःगु राष्ट्रिय जेष्ठ नागरिक दिवसया लसताय् नागार्जुन नगरपालिकाय् सोमवाः विशेष ज्याइवः जुल।

नगरपालिकाया ग्वसालय् जेष्ठ नागरिकपिनिगु हक अधिकार व नेपाल सरकारं ब्युगु सेवा सुविधात व कानूनय् दुगु व्यवस्था विषयक अभिमुखीकरण ज्याइवः जगु खः।

नागार्जुन नगरपालिकाया सभाहलय् जगु ज्याइवल्य नगरपालिकाया कार्यवाहक प्रमुख सुशिला अधिकारीया मूपाहांसुइ जगु

ज्याइवल्य नागार्जुन नगरपालिका दुनेया जेष्ठनागरिकपिसं ब्वति काःगु खः।

ज्याइवल्य नगरपालिकाया प्रवक्तारिसे ५ वडाया नायः महेश रिमाल, प्रमुख प्रशासकीय अधिकृत गणेशप्रसाद अर्यालया नं विशेष उपस्थिति दुगु खः।

ज्याइवल्य का.वा. प्रमुख अधिकारी अधिकारया विषयस जानकारी बियादिसे जेष्ठनागरिकपिन्त सुविधा बीगु निर्मित थःपिं प्रतिबद्ध दुगु खँ कनादीगु खः।

## निर्वाचनमा सहभागी बनौं ।

- आवधिक निर्वाचन लोकतन्त्रको आधारशिला हो ।
- निर्वाचन मतदाताको मताधिकार प्रयोग गर्ने अवसर पनि हो ।
- मतदानबाट नागरिकले आफ्ना प्रतिनिधिमाफत शासन सञ्चालनमा सहभागिता जनाउने ।
- स्वतन्त्र र निष्पक्ष निर्वाचनबाट सरकार वा सत्ताको शान्तिपूर्ण हस्तान्तरण हुने ।
- निर्वाचनबाट मौलिक हक र मानवअधिकारको संरक्षण हुने ।
- मतदाताको राजनीतिक छनौटको अधिकार सुनिश्चित हुने ।
- लोकतन्त्रको संस्थागत विकास र विधिको शासन स्थापित हुने ।
- जनताप्रति उत्तरदायी र जवाफदेही सरकारको निर्माण हुने हुँदा, निर्वाचनमा सहभागी बनौं, मताधिकारको प्रयोग गरौं ।



नेपाल सरकार

विज्ञापन बोर्ड

### छत्रपाटी निःशुल्क चिकित्सालय ( अस्पताल )

"स्त्रीय श्लथ स्वास्थ्य सेवा सकसिया निति, असहायया निति जक निःशुल्क"

उपलब्ध सेवा	शल्यक्रिया	बहिरङ्ग सेवा	मेमेगु सेवा
२४ घण्टा सेवा	● मोतिबिन्दु	● मुटु रोग	● रेथिङ्ग
● इमरजेन्सी	● ज्वरन हवरी	● पेट रोग	● दुख्दीस्कोपी
● प्याथोलोजी	● नाक कान घाँटी सम्बन्धि	● मुटुकोषी	● कोलोसोस्कोपी
● एक्स रे	● हाडबन्दी तथा नसा सम्बन्धि	● स्त्री रोग	● फिब्रोस्कोपी
● ई.सी.जी.	● लिवा निरधार पिताक ननीको पत्कर सम्बन्धि	● बाल रोग	● कन्ट्रास्टियु, कन्ट्र डम्बर र इले
● औषधि पसल		● वयस्मर रोग	● मुलेले स्तनको इल उपयुक्तता
● अन्तरंग सेवा		● इल रोग	● डि.एस.टि. इन्टर
● सिटी स्वयाप		● अर्था रोग	● मेमेघाम
		● ज्वरन मेडिसिन	
		● थर्म तथा वीर रोग	
		● नाक कान घाँटी रोग	
		● ज्वरन हल्य जक अथ	
		● नाइरोइड	
		● मधुमेह	

## २४ घण्टा

### इमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ५३१६१३८, ५३५७९११, ५३६६२२९